

靈寶大成金書錄集卷三

淨壇四靈牒

靈寶玄壇

以今恭依 道典肅建 瑤壇將格 真靈合先蕩穢

欲揚清淨必伏 神功須至公文者

右牒請 玄壇四靈神君解穢官吏集 九鳳之官君召

五方之兵吏蕩除厭穢 清肅壇場 守鎮四方奠安

八極故牒



借地牒

靈寶玄壇 本壇今據某鄉貫某人投乞消取今月某日
爲始就某處崇建 無上黃籙大齋凡晝夜仰丐 天
恩昇度亡魂等衆往生 仙界旁資附度悉證生方以
今借地舒壇歲揚 玄範欽仗 神威周旋營衛須至
牒者

右牒 建齋所四靈神君本處土地正神仰希青龍東去
白虎右伏朱雀前行玄武後躡各借二十五步中借勾陳
正方上通天門下達九壘中及十方如有伏屍故氣土木
石精一切魘穢並仰攝赴魁罡之下無動無作以俟 福
祥廣覃三界一如 靈寶玄科律令奉行故牒

監壇官將牒

靈寶玄壇 以今 玄壇肇啟 寶範纔宣仰仗 神威

監臨翊衛須至公文者

右牒請

雷霆

左門馬溫
右門趙岳

監壇真宰

效職威靈

肅揚

雲旆下赴

玄壇俾魔試以潛消庶

諸天而降格

齋

功克就 景福駢臻故牒

辟非牒

靈寶玄壇 以今 恭依 科格崇建 瑤壇扣擊 靈

音召集生炁須至公文者

右牒請 神霄辟非大將軍奏 九陽空洞之音 遠飄
雲路迓 八景光明之駕下赴 玄壇故牒

禁壇牒

靈寶玄壇 以今恭依 科格崇建 瑤壇扣擊 靈音

導迎 和氣須至公文者

右牒請 神霄禁壇大將軍 奏擊瓊音 鑒錙鐸之王
珮導迎 善瑞肅濟濟之星簪故牒

監齋牒

靈寶玄壇 以今初陳 醮禮營備齋饌仰伏 神威監

督厨所須至公文者

右牒請 九天雲厨監齋使者厨堂所効職神員 肅清
厨宇 督示監臨毋令穢雜不侵有妨 善事普使 人

天共享福被生存故

普召牒

靈寶玄壇

本壇昨據齋主某人投乞開建無上黃籙大齋祈
恩昇度亡過某人暨門中宗親孤魂滯魄等衆普證生
方除已依教修崇克取今宵奉行煉度拯濟亡魂合
行移牒請諸部追攝官君將吏遍詣合屬冥司一切
去處普告十方三界六極四維萬國之中九州之內天
道神道人倫道地獄道餓鬼道畜生道一切幽魂或終
富貴善亡或厄孤寒惡死或投河自縊或委壑墮崖或
無倚無歸或自牽自執或倚草附木或隱跡幻形或懷
冤蓄恨而終或茹苦含悲而斃或傷殘於戰陣或誅戮
於國刑或遭歐刺以傷生或受拘囚而損已或去離鄉
井或漂泊道途或屯戍邊疆或奔馳商旅或自刑自刎
或自毒自殘或負命欠財或違盟失誓或雷霆震擊或
水火漂焚或生產未分或咒詛興禍或遭魘蠱或中毒

砂或馬墮舟傾或木摧石壓或精神散蕩或魂魄飛揚
或攣跛癩癡或目盲耳聵或僧尼雜類或伎藝百工或
既沒而沉埋或未葬而暴露或焚屍而擲骨或失祀以
無依或流竄於異鄉或羈縻於夷虜或瘖或瘡或賢或
愚或壽考而終或年夭而逝或孤兒寡婦或獨老鰥夫
或隱逸之倫或文華之輩或倡優之部或屠宰之行或
殞質於頑囂或失身於盜賊或古往豪傑或近世英雄
或公府吏胥或戎門兵卒或地獄幽關之罪莢或城隍

里域之拘囚或蒿里黃泉或溟冷水界或九壘重陰之
內或五嶽考對之司或證結未終或較量不盡或已經
考罰或未伏典形或三塗謫役之魂或五苦償辜之魄
或物精野恠或妖崇邪神或魍魎陰靈或魑魅蟲莩或
禽或獸或蟲或魚或胎生卵生或濕生化生或有情無
情或有識無識或轉展沉滯或返復輪迴杳杳乾坤洎
洎今古無高無下無極無窮品類未詳聲迹不盡冥途
恒府一切幽魂以及齋主所薦亡過某人及門中九玄

七祖億劫種親各承 太上之慈光普入盟真之法會
須至牒者

右牒請 神虎追攝司一行官君將吏靈寶總局本壇法
靖諸司官君將吏 臨壇受事神將功曹吏兵疾速部集
前件亡魂赴 壇受度仍仰約束勿致喧嘩齊同慈異骨
成親各生慶幸之心俱證 逍遙之果故牒

生天寶錄關

靈寶玄壇

本壇據齋主某人投取今月某日崇建 無上黃籙大
齋以今恭按 玄科遵依 道旨請降 太上勅敕生
天寶錄 元始符命黃籙白簡救苦真符 東極青玄
救苦九龍符命 玉清寶籙破地獄真符 玉清寶籙
拔幽魂真符 靈寶解冤釋結昇度真符 九天靈光
破暗真符 太上十方玄化真符各一道告下十方三
界天牢地獄治職真司合屬去處拔度亡過某人靈魂
洎某氏門中先遠宗親及五道四生孤魂等衆各離所

部俱赴 玄壇領諸善果克遂超昇須至關發者

右關 三界持寶錄大將軍法部承行官將直日受事功
曹星馳符錄遍詣冥司按度亡魂昭示 宸旣故關

救苦表關

以今拜進 通天救苦朱表一通方函重封印全謹謹
上詣 東極青宮呈進仰仗 神威上達者

右關 青宮上表靈官直日受事功曹法部承差官將請
賁捧 前去以時 上達雲程有限幸勿稽延如有下官

故氣遏截攝赴近司依律治罪以明 天憲

九皇表關

靈寶玄壇

本壇奉爲齋主某人崇建 無上黃籙玄靈大齋凡晝
夜以今轉詠 太上玄靈北斗本命延生真經已周一
遍拜進 白表墨表一通謹謹上詣

北斗陽明太尉府呈進請頒 靈寶三景玉符一道
玉清延生度厄玉簡一道告下 南方九紫鶡火分野

仰仗 神威上達者

右關 北斗陽明太尉府上表靈官地道功曹法部承行
官將請 賁捧前去依時上達立伺感通故關

二

北斗陰精上宰府 東北方八白析木星紀分野

三

北斗真人司空府 西方七赤大梁分野

四

北斗玄冥遊擊府 西北方六白嫫毘降婁分野

五

北斗丹元斗君府 中央五黃分野

六

北斗北極太常府 東南方四綠壽星鶉首分野

七

北斗天關上帝府 東方三碧大黃分野

八

北斗洞明玉帝府 西南方二黑鶉尾分野

九

北斗隱光帝真府 北方一白玄樗分野

香關

靈寶玄壇

本壇以今

靈音罷散

法事告周

上帝傾光

衆

真返駕今脩

都疏獻狀錢馬之儀上奉

三界與醮

高真聖衆前仰仗

神威上達者

右關

監醮香官使者請賁捧

前去以時


上達立伺

感通故關

生天寶籙符簡一宗

救苦簡

正面符文



背面告文

元始符命黃籙白簡救苦真符告下十方無極世界三官
 九府百二十曹五帝考官九幽地獄巨天力士執罰神兵
 司祿司命司功司殺牛頭獄卒三界大魔拔度某人靈魂
 出離地獄永辭長夜覩見光明萬罪蕩除冤讐解釋乘此
 九真妙戒功德上生
 天堂一如告命

年 月 日 於某處某齋壇下

長生簡正面符文



背面告文

元始符命金籙白簡長生靈符告下南方丹天世界朱陵
 火府南昌上宮長生大君韓君司馬司命司祿延壽益算
 度厄尊神回骸起死監生大神超度亡過某人靈魂上登
 朱宮流火之庭玉眸煉質黃華蕩形書名紫冊受化更生

乘此金籙度命功德時刻昇遷一如告命

年 月 日 時於某處某齋壇告下

東極青玄救苦九龍符命



右符告下

三官九署五嶽九州酆都六洞十宮九幽河源泉曲五道

都府城隍社令冥關幽局一切主者咸領

符命按度亡過某人及六道四生孤魂滯魄等衆徑出陰
翳永離幽冥地獄消苦開泰泉局火翳滅焰刃毒摧傾下

下明黑暗上生 朱陵超度三塗宿對停轉一如告命

年 月 日 時告下 具位某人承諾奉行

東極宮中大慈仁者尋聲赴感太乙救苦天尊青玄上帝

在天

王清靈寶破地獄真符

玉清寶籙照耀重泉地獄摧毀鐵城開宣
元始符命時刻昇遷北都寒池部衛某人形魂制魔保舉
度品 南宮死魂受煉仙化成人身身受度劫、長存隨
劫輪轉與天齊年永度三塗五苦八難起凌三界逍遙
上清一如告命風火驛傳

玉清寶籙按幽魂真符

年月日時 具位某承誥奉行

玉清上相大羅無極神公

在天

右符告下 十方三界無極神鄉泉曲之府北都羅酆
三官九署十二河源上解某人形魂祖考億劫種親普及

玉清寶籙按幽魂真符

玉清寶籙按幽魂真符

六道四生孤魂滯魄十方九幽一切罪魂疾除罪簿落滅
惡根不得拘留時刻昇遷萬神護送徑詣人天隨品受
化更生福鄉一如告命風火驛傳

年 月 日 時 具法位某人承誥奉行

靈寶解冤釋結昇度真符



右符告下 十方三界天牢地獄五嶽泉局酆都硤石城
隍里社十道幽都一切陰關囚苦寒庭主魂神首咸領
符命原赦亡過某及一切久在陰關囚苦罪魂落滅惡根
出離寒庭罪根消滅隨品昇度煉形丹闕一如告命風火
驛傳

年 月 日 時 具位某人承誥奉行

東極宮中太乙救苦天尊青玄上帝

在天

高上神霄靈光破暗真符告下

皇京送別
愧別

年 月 日 時
具位某人承誥奉行

○太上生天寶錄告十方三界九幽主者

據鄉貫居住奉

道信某投誠伏爲某入意未卜生方某日屆於某辰請
道士就某處祇建某道場幾晝夜修設冥陽淨醮幾分
位延奉帝真仰祈恩命昇度亡過某人靈魂往生

道岸下資五道孤魂等衆均證
生方事除已告盟

上帝申牒真司外尚慮所薦亡魂等衆業緣報對拘留寒


庭莫詣齋壇衆

真聽

法乞宣降

太上生天寶錄開宥罪愆超離苦趣今準

符命告下者



好生韓君丈人

度人不死之神

南極長生之君

度世司馬大神

唐
 書
 卷
 之
 一
 上
 卷
 之
 一
 上

太上生天寶錄勅赦亡過某人等魂及五道四生孤魂滯
魄冥司地獄北都羅酆陰洞冥關幽局泉曲囚苦罪爽胎
孕血屍產死女魂等衆夙世已來至于今日原因三業六

右奉

太上生天寶錄勅赦亡過某人等魂及五道四生孤魂滯
魄冥司地獄北都羅酆陰洞冥關幽局泉曲囚苦罪爽胎
孕血屍產死女魂等衆夙世已來至于今日原因三業六
根造諸罪惡或不忠君父不孝二親或誹謗大道背真就
偽或傷殘兄弟謀及師尊或六親通同淫犯骨肉或為劫
賊殺害人命或屠割衆生自饒一身或倚強凌弱以貴虐
賤或浮好三寶執心不專或輕慢師法穢賤靈文或心懷
陰賊安忍嫉妬或惡口兩舌鬪亂善人或殺害淫祀裸露
三光或心生或口語或自作或教他積劫以來所有諸罪
並與疾除罪簿落滅惡根不得拘留時刻昇遷即使亡過
某人七炁成真六儀運虛五靈續絕二曜扶衰旋置躡空

飛步雲宮胚胎有始塵劫無終金城孕質玉洞凝神真
炁內養以成真人上入六虛下洞幽泉雲宮寶闕中有
真魂出入福鄉周旋生門咀嚙靈芝灌漱金泉甘露川
流懸澍丹田紫霞朝映三炁凝烟瑤室化仙安座金蓮
真儀掩日塵劫爲年一如告命風火驛傳

年 歲 月 日 時具位某人承誥奉行

天樞上相

天機上相

泰玄上相

玉清上相

東極宮中太乙救苦天尊

萬劫應化真元教主太上老君

以上五符二簡方函簡套各式品

救苦符簡袋

元始符命黃籙白簡救苦真符告下

十 方 無 極 世 界

具法位承誥奉行謹封

長生簡袋

金錄白簡長生靈符告下

南方 丹 天 世界

具位承詔奉行謹封

二簡背寫

拔度已過某人暨門中宗親五道四生等衆

五符方函

東極青玄救苦九龍符命告下

三元十方九野地司陰曹萬神

具位承詔奉行謹封

玉清寶籙破地獄真符告下

九幽酆都天牢地獄主者

具位同前

玉清寶籙拔幽魂真符告下

三官九署百二十曹考校冥官

具位同前

靈寶解冤釋結昇度真符告下

十方三界嶽瀆羅酆一切主者

具位同前

高上神霄靈破光暗真符告下

羅酆北府泉曲寒庭一切主者

具位同前

寶錄方函式

太上生天寶錄

告下

十方三界
九幽主者

迎真榜

三天門下

恭奉 道旨謹按

玄科立幕舒

壇法

天象地迎

真格

聖請福延生以今歲事云初敬伸

昭告須至榜

者

右伏以

○金光耀

紫微洞照開明於

三境丹霞羅

碧落分

輝普遍於

十方百獸鼓舞而

天清地寧四靈翊衛而

陰消陽長

高擁蜀都之玉局俯迎

函谷之青牛

神

仙下十二瓊樓鳶鳴鳳舞羽客列三千朱履鷺序駕行旗

影動龍蛇之閃々車音奏鳶鳳之鏘々佇伺 感通仰祈

靈昭謹言

年 月

日

三元唐葛周

又榜語

右伏以 天門九重虎豹森嚴而翔衛 靈幡十絕鳳鸞
飛舞以翱翔迺下 天寶之臺勃々入 黍珠之會
閭闔始開於黃道 旌幢整肅於清班 玉女散花祈傾
光而下邁 金童奏簡冀 鑒真以度生 萬神唱恭
諸天降格謹言

又榜語

右伏以 劫仞寶臺 天地嚴金門之禁 大浮黎土

地神湧玉局之儀 聖凡之境不同 天人之理罔間
玉山上京之制設 金真寶座之居 五老啓途 群仙
開道傾光回馭來觀聽於法音燒香散花佇嘯歌於
崆峒琳琅振響 十方肅清謹言

又榜語

右伏以 八景舒壇開 天門而闢地戶 三清降駕提
鬱儀而携結璘 地神湧玉局之臺 天真入寶珠之
會 萬光拱映照臨咫尺不違 顏四烝朗清地土緬平

異色儼擲火流鈴之周衛肅巨天金鉞以前驅 十極朝
宗 天真露自然之瑞 千靈嘯咏 崆峒散衆妙之花
凝貯 瓊輪盼回 惠貺肅遵 玄律守衛奉行謹言

監壇榜

靈寶玄壇

本壇遵依 教法恭按 齋儀建立 清場闡行 科
範伏請 監壇真宰効職威靈羽衛壇場肅清境域者
右伏以象地法天肅 瑤壇闡事 除邪輔正遵 玉律

以宣威惟伏 爾用揚 迺武清塵洒道俾境域以咸寧
招 真召靈混 天人而共會祇迓 九清之馭鑒歆一
念之誠無褻瀆於 禁科異顯揚於 道化恢張 大教
茂績 殊勲故榜

年 月 日 榜 具法位 押

經榜

無上黃籙大齋壇

本壇奉為齋主 某 崇建 無上黃籙大齋普薦云云 及

五道三塗四生萬類一切幽魂滯爽所有回猷 上
聖高真與醮主宰並資悼亡靈普薦幽爽 太上諸品
真經 天尊齋號取某日為始開函諷誦今則備榜開
列 琅函品目於後

一看誦

某經某號 已上普伸回向

三界十方上聖高真冥陽與醮仙班聖衆

一看誦

太上洞玄靈寶無量度人上品妙經

某經某號 云云逐一開列

已上功德資薦亡過某及係薦等魂超生仙界

一看誦

某經 某懺 某號 云云逐一開列

已上功德普薦五道三塗四生萬類一切孤魂滯魄
等衆各離苦趣同遂往生

右請臨壇道衆預席高入靜念存真調聲正氣依文轉誦

啟

聖職宣所冀 飛天下觀 上帝遙唱存亡受度幽顯

蒙

恩科禁具嚴各宜遵守故榜

年 月 日榜 具高功位 押

職榜

無上黃籙大齋壇

本壇奉為齋主某人崇建 無上黃籙大齋尅取今月

某日為始開壇關行齋法至某日夜滿散修設 大醮

上謝洪恩所有同齋法衆僉請職負條陳於後

高功大法師

具法位云云姓某

都講法師

具法位云云姓某

監齋法師 具法位云云姓某

侍經法師 具法位云云姓某

侍香法師 具法位云云姓某

侍燈法師 具法位云云姓某

一副職

知磬 表白 詞戲 手匙云云隨意各開

右榜各請清心滌慮念道思真開啟精明昇降肅整所
奠 天真降鑒幽顯霑恩當使 五意考功無致 三官
鼓筆 科簡昭示幸勿踈遠故此咨聞各宜守職故榜

年 月 日 具高功法位 玄中教主靜老天尊

功德節次榜

無上黃籙大齋壇

本壇奉為齋主某人崇建 無上黃籙大齋幾晝夜以

今恭按 真科自今月某日為始祇率法衆肅建 玄

壇次第修奉仰祈 天澤普福存亡所有排日功德節

目須至逐具于後

一某日如何云云

一某日云云並照修奉節次逐一條細開寫

右請同齋羽士登壇衆官 梵唱流明遵 金科而宣演

空歌振響按 玉格以舉揚母自越于 威儀庶克彰

於應感圓成 齋福衣被 宸恩故榜

年 月 日 榜

約束孤魂榜

靈寶玄壇

本壇奉為齋主某人崇建 無上黃籙大齋幾晝夜普
伸資薦九州分野十類河沙五道四生孤魂滯魄男女
等衆均承 帝渥咸遂往生切慮衆魂前生債主夙世
冤仇負命負財負恩負德因時際會惡念頓生不求解

脫為心惟懷返報是念無由超化永墮輪迴為此合行
約束者

右榜告諭臨壇受事防禦等神常切誠諭上件召到孤魂
滯魄男女等衆各生善念捨離惡緣整束身心皈依 正
道排列就位饗食聞 經不得縱強脅弱恃勇凌卑務在
和平冤恨懺悔罪愆承茲 教戒之功憑此薦拔之果同
求解脫各願往生無縈迷途無恋鬼趣所宜恭謹祇候超
昇 盟真科格 威禁至重各須遵奉毋趣有違故榜

年 月 日 具高功位 押

啓壇頌

泐泐空無象	悠悠感至靈	敬則承天貺
泄則被魔精	吉凶隨轉運	正泰應緣生
道不貴珠王	神惟感至誠	丹成盡勤苦
惓惓竭衷情	自然通大道	皆得降真靈
捻香陳所願	稽首冀家貞	天尊常湛寂
回心礼杳冥		

解壇頌

太虛包有象	至道窈無形	承和通妙炁
應感達衷情	倏忽周八極	依稀降萬靈
微香陳素款	委質表丹誠	遠汎翔鳶蓋
遐攀綺鳳旌	烟宮高鬱々	霞閣上停々
瓊鳳出霄漢	金龍入太清	耳露降人世
景福被函冥		
請玄師頌		

科律嚴章奏

精誠饗百神

投詞陳懇願

潔醮答高明

俯躬垂雲駕

真心啟上真

玄師教都主

奉請降凡塵

請天師頌

太上傳符錄

初因遇鶴鳴

積功超玉闕

列位侍三清

接引章詞奏

克隨凡庶情

脩齋當奉請

願俯鑒精誠

請天官頌

妙道垂真教

脩齋主福田

結壇朝上聖

建醮會高仙

注念通霄極

精心感上玄

天官乘寶輦

綵仗下凡緣

請地官頌

翼、陳丹悃

兢、仰紫虛

祈通塵下志

願達土泉君

潛應垂真佑

遐臨救罪書

地官來下降

俄擁五雲車

請水官頌

方便開真化

慈悲立聖科

虔心脩妙會

調炁咏靈歌

默念祈淵府

丹誠通大羅

水官龍駕降

雲錦起滄波

請經師頌

入靜脩黃籙

嚴裝起上仙

奏章先達御

詞款欲闌宣

寶籙因師授

威儀太上傳

經師來下降

奏請列群仙

請籍師頌

肅々祈清福

誦々結寶齋

登壇當此夜

行道續徘徊

有願仍須啟

皈心道眼開

籍師來下降

仙仗下瑤臺

請度師頌

經戒丹心稱

虔誠召百神

拈香祈至聖

持齋請仙真

清詠凌朝啟

精思入夜勤

度師來下降

保護結齋人

請監齋頌

宝號留塵世

仙階列上清

三千功德滿

八百行先成

礼懺脩真福

監齋作證明

今宵仙馭降

福祉被含生

送玄師頌

上帝命真仙

脩齋黃籙壇

諸天來下降

焚香懺罪愆

祈恩行道畢

齋事已周圓

洪恩留世人

玄師上九天

送五帝頌

仙仗來霄極

尊臨列五方

祥風吹羽節

寫輅駐清場

齋事將圓徹

迴輿返上蒼

留恩無不遍

豈旦感馨香

送天師頌

齋清已精嚴

表牒奏上天

至誠通感應

閣門得延年

掌握諸天籍

章詞達御前

祖宗咸昇度

嗣裔慶雲前

華夏讚

勤行奉齋戒

誦經制六情

故得乘空飛

耀經上玉清

精心奉經教

吐納煉五神

功德冠諸天

轉輪成上仙

玉京步虛詞三首

○旋行躡雲綱

乘虛步玄紀

吟咏帝一尊

百關自調理

俯命入海童

仰携高仙子

諸天散花香

蕭然靈風起

宿願定命根

故致標高擬

歡樂太上前

萬劫猶未始

○俯仰存太上

華景秀丹田

左顧提欐儀

右盼携結璘

六度冠梵行

道德隨日新

宿命積福應

聞經若至親

天挺超世才

樂誦希微篇

冲虛太和炁

吐納流霞津

胎息靜百關

寥々寃三便

泥丸洞明景

遂成金華仙

魔王敬受事

故能朝諸天

皆從齋戒起

累功結宿緣

飛行凌太虛

提携高上人

○控轡適十方

俯睇紫雲羅

積學為真人

萬春奚足多

步虛詞七首

太極分高厚

身乃作真仙

丹臺開寶笈

大梵三天主

豈復入名言

萬真朝帝所

濛濛如細霧

輕隨彩鳳飛

佇立扶桑岸

旋步雲綱上

旋憇玄景阿

逍遙太上京

恬然榮衛和

永享無期壽

輕清上屬天

行溢三千數

金口為流傳

虛皇五老尊

寶座臨金殿

飛鳥躡雲根

冉冉曳銖衣

幾陪瑤室宴

高奔日帝暉

天風颯爾吹

仰觀劫仞臺

相與坐蓮花

永享無期壽

人能修至道

時丁四萬年

尚能窺微妙

霞冠照玉軒

霞冠照玉軒

妙逐祥煙上

忽指洞天歸

飄裾凌斗柄

飄裾凌斗柄

乘拂揖叅旗

獅子啣丹綬

麒麟蕤翠緇

飛行周八極

幾見發春枝

寶籙脩真範

丹誠奏上蒼

冰淵臨兆庶

宵旰致平康

萬物消疵癘

三農效吉祥

步虛聲已徹

更詠洞玄帝

宛々神州地

巍々衆妙壇

鶴袍來羽客

鳬舄下仙官

玉笋斟元醴

琅函啟大丹

至誠何以祝

四海永澄瀾

水唳魔宮懾

燈開夜府明

九天風靜默

四極烝澄清

嘯詠朱陵曲

翱翔白玉京

至誠何以祝

國祚永安榮

智慧頌

智慧生戒根

道真戒為主

三寶由是興

高仙所宗授

泛此不死丹

倏歛濟大有

當此說戒時

諸天皆稽首

七言散花詞

散華何處寂華多

天上高天有大羅

華在此中生本異

况將瑞露慶雲和

崑丘絕頂有龜臺

臺上奇花四序開

不是群仙朝玉帝

何由得到世間來

天上天華旦夕開

不同人間待春來

天華每有天人折

將獻層城日幾回

五色奇花降洞天

仰觀空裏勢翩翩

莫言仙境常時有

動是人寰億萬年

仙華折得自仙宮

散在瑤臺曉景中

玉闕有春、不老

璿圖受福、無窮

羽客驂鸞在半天

下瞻真館意乾、

蓬萊折得華無數

散在殊庭黼座前

上林花卉先春發

幽谷鶯聲尚未知

不遣常人攀折得

盡將福地奉真期

仙官真侶住還頻

玄看蓬萊閨苑春

每採芳花朝上帝

願均福佑及生民

送聖頌

回駢五雲輿

騰駕九章歌

倏忽冲天遠

醮壇香氣多

玄恩覃宇宙

福祿遍山河

緬想神仙路

逍遙上大羅

焚疏頌

聖德留科教

修齋福壽長

延生依玉簡

請命奏金章

罪名除北府

生籍注南昌

見存皆延壽

過去生福鄉

送符使頌

三界直符使

雲步駕浮空

漸覺人間遠

須臾到上穹

玉皇金殿下

傳言奏善功

神仙來會合

醮罷返遙宮

三塗五苦頌

宿命有信然

弱喪謂之無

皆欲眼前見

過目則言悠

大賢明道教

慘臧憫頑夫

休、念子苦

勤、令我憂

聖化開張大矣生成之蒂
玄機密運妙哉化育之根
壇列三成象玄黃之瓊級
陛嚴十極開經緯之華門
天錫龜齡祈椿萱而共樂
神資鴻祉蔭桑梓以同歡
帝降神靈簫韶來鳳儀之祥
天從聖武河洛啟神龜之瑞

龍戲麟盤翔舞天瑞臨寶座
鳶嘯鳳唱飛鳴應節赴凡宮

函谷關前啟萬丈彌天之紫氣
說經臺上演三乘妙運之玄微

金光耀紫微天真露自然之瑞洞照開明於三界
丹霞羅碧落崆峒散衆妙之花分輝普遍於十方

酌水攄誠欣上聖鳳輦龍旌齊集
採蘋作供格羣真天神地祇同臨

大字

詩書世澤

乾坤澄奠

山嶽靜安

帝祚延長

帝業遐昌

日月輝華

河海清謐

仁風披拂

萬姓相歡

千祥帝錫

化日舒長

四民共樂

四氣朗清

山河永固

星辰明閏

天地清寧

三光和合

箕翼齊光

卿雲煥耀

陰陽協泰

聖日流輝

福比銀漢

聖齡遐邁

五嶽齊齡

三農歲富

千祥百順

山河壯業

上祈天澤

雲臻五福

時和歲稔

下奠民生

澤被人天

春滿山林

恩霑今古

三軍偃武

華封三祝

上承化雨

椿松益茂

煙輕月淡

壽齊松花

下沛仁風

蘭桂長新

光風霽日

仁風丕冒

惠風和暢

宇宙光華

卜爾多福

時和景泰

福臨人間

福自天申

自天佑之

卿雲慧日

鼓舞玄風

璫壇星拱

玄風廣被

境域安和

洪恩誕布

和氣致祥

雲呈五色

包羅萬象

萬聖朝元

萬聖臨軒

經通天界

總統群靈

中外安和

四海昇平